

陝西橫山縣志
三卷

民國十六年

陝西橫山縣志

于右任



橫山縣志卷三

物產志

穀部

稷 苗類蘆枝葉有毛而低小每株恒出一穗其穎如粟較黍小而光滑有百日熟霸王鞭九節穗狼尾猪糞大期限小期限竹葉青諸名稱其種多由三月下種八月收穫分青穀白穀紅穀數種其不黏者名硬穀為煮飯之用黏者名軟穀亦名酒穀可釀造酒類縣境多山岳高寒乾燥五穀外他非所宜農家恒以種穀為大宗故收穀最多人亦樂於食用按時珍曰稷與黍一類二種也北邊地寒種子有補河西出者顆粒尤硬稷熟最早作飯疏爽香美為五穀之長黍 莖類穀惟低小不及穗疏散也說文記黍可作酒從禾入水為意也通常有軟硬二種即黏與不黏也黏者為軟糜子軟米可以釀酒作糕製餈作糗不

橫山縣志

卷三

一

榆林 東順齋石印

黏者為硬糜子去皮成黃米用為蒸飯其用甚廣顆粒較穀稍大而光澤過之其色赤白黃灰不一土性鬆疏最宜種此縣境口外是種殆居稼禾大宗遲種早收七月可成有馬革驢皮牛黍稻尾諸名詩所謂誕降嘉種維秬維秠惟芑也

稻 有軟硬軟即糯米黏性最大俗名軟稻米橫山地接沙漠河北溝渠縱橫稻產尚矣去殼成米潔白如玉如珍食之芳香行銷鄰縣甚廣其種有紅白二種縣屬波羅之二石碓鮑家渠等村粒肥細膩所產尤佳

蜀黍 始自蜀故名縣產紅白兩種俗呼稻黍即高粱也莖高五六尺狀類蘆葉肥大穗如葶粒碩似小豆赤紅色黏者可和糯秫釀酒極佳硬者可煮粥作醋餌最利農家

玉蜀黍 苗葉酷似蜀黍稍肥矮穗如粃麥苗心別出苞如稷吐白赭鬚熟時

苞裂子出顆顆攢簇味甘粉富裕名金稻黍別名玉米

梁 為梁州產或以性涼故名縣產頗少俗呼梁穀米為穀之一種米粒白小可以製麪作餅

秫 黍之別種也莖狀似蘼惟枝幹堅紉可作苕帚粒黏力最大炒熟磨麪味美可口俗名秫糜

小麥 縣多產春種夏收呼為春麥其秋種者呼為老麥

大麥 牟麥也其粒稍大青白色皮厚鄉間用作麪藥可煎飴亦有煮飯作食者

青稞麥 色青性寒粒微小可作炒麪

蕎麥 一名苕麥莖弱翹然易長易收故名實有三稜黑色麪如粉亞於麥縣境多產人亦喜食製粉餌

橫山縣志

卷三

二

榆林 東順齋石印

燕麥 即雀麥為燕雀所食也莖似小麥粒細縣境草地種植最宜炒熟磨麪其味香美農家恃為主要食品

苦蕎麥 味苦惡穀之下品也莖青似蕎麥惟實稜角不峭

稗 禾之卑也多生草野中最能亂苗有黃白紫黑二種可以備荒粒褐色微苦詩所謂五穀不熟不如稗稗

沙米 多蔓生沙漠中粒微細而曲如半月形去皮可作羊羹滑膩可食縣多產用以救荒

西米 有赤白兩種莖狀如葦而大顆小多產熟和糖食之

麻 有雌雄象麻屬雄苴麻苧麻屬雌也葉狹而長狀如益母草其子可榨油皮可作麻線雌者結子繁多最利農家俗名小麻子北草地盛產其名線麻者即臬也莖細而高直剝皮纖長可為績紡

亞麻 即苳麻其莖粗大葉如掌形花苞五彩美觀其實五房六房不等粒白
斑色有光澤可榨油燃燈氣惡不堪食婦女喜用潤髮俗名大麻子
胡麻 芝麻也来自大宛國稱胡者別漢麻也葉狹尖其莖方秋開白花節節
結莢有數稜房大而子多分黑赤白三種白色最佳其油芳香俗名香油
黑麻 俗名胡麻其粒色黑而小狀似芝麻味則遜之縣俗農家多炒熟和鹽
代菜用者名胡麻鹽

菽 即大豆也有黑白黃褐青斑數色菽為豆之總稱黑者名黑豆可入葯及
充食作鼓黃者可作豆腐榨油造醬其用頗廣縣俗挫豆成瓣煮粥可口
豇豆 有赤白兩種莢長六七寸其色不一恒并垂顆如腎形富粉質煮粥極
佳

紅豆 色赤紅顆大光艷莢稍寬而短縣俗夏季用為菜蔬

橫山縣志

卷三

三

榆林東順齋石印

綠豆 粒長圓而小性涼善解熱益氣俗磨麪瀘粉最佳兼作酒浸水生芽_豆
為菜中佳品

小豆 莖顆類似綠豆色微青其鮮紅可玩一端有黑點者名赤小豆

豌豆 即回回豆胡豆也苗柔如蔓有鬚葉微圓兩兩對生嫩時青色可食老
則斑麻三四月開小花如蛾形淡紫色煮炒皆佳和麥磨麪味尤美縣俗用以
作醬飼馬喜食

扁豆 名蛾眉豆莖柔蔓葉似蒺藜莢短圓類蛾形顆扁圓而小色淡紅味平
甘俗多用煮粥

刀豆 多植園圃中莖葉青紅色蔓延善緣附莢形如刀故名顆大如鷄腎心
有白瓣煮肉甚美

菜豆 苗莖繁碩莢色青白長如箸吐絲蔓延疊疊下垂夏間摘取為菜蔬用

菜部

韭 以生也一歲三四割其根不傷冬季壅培春初復生未出土者名韭黃其味最佳生於野中為山韭葉硬不可食即古稱藿也

葱 外直中空有漢葱樓葱冬葱水葱小葱諸稱漢葱樓葱生於山野其味卒烈蔬肉食之最佳

蒜 有兩種其朶大而辛辣者為白皮蒜縣西楊胡台一帶所產最佳搗爛經久不臭其皮紫而小者名紫皮蒜其野生一種葉細顆小無瓣者名小蒜不甚辣荒年多食

白菜 縣境所在多產有大捲心小捲心黃芽菜青股菜等名其出於畦內者尤肥壯白嫩暑無筋滓為白菘之珍品也

菠菜 一名波斯草唐會典謂太宗時尼波羅國獻波梭菜類紅藍實如蒺藜

橫山縣志

卷三

四

榆林東順齋石印

火熟之能益食味蓋即此也

芥菜 葉似菠菜縐而有柔毛味辛辣其子白如梁米搗末可侑肉食善利竅散寒敷腫毒

沙芥菜 莖葉深綠色而脆嫩味類芥菜其根長白鹽醃食之尤佳多生沙漠中可備荒

蕪菁 俗名菜蔓菁一名諸葛菜葉如菘根白而圓縣俗削淨醃藏為菹本草為塞北河西種者名九英蕪菁即此

菜菔 即蘿蔔生於水草名水蘿蔔葉大如菘根有紅白色可生食脆而甘美產山野者其葉似芫荽有毛根粗大色黃白為黃蘿蔔味甚甘烹肉絕美

薑 縣境種生薑者甚少是種多來自遠處

蓴菜 一名胡蓴其種來自西域北直人呼為香菜莖柔葉細氣香辟邪

芹菜 即水蘩生水中性冷滑莖葉并堪作菹可生食詩所謂薄菜其芹也
山藥 本草為薯蕷一作山藥老者謂此物自道光間與阿芙蓉并傳來二月
采根剖種赤莖細蔓五月開白花後漸結根塊如薑有白紫二種其產於沙地
者尤為鮮美可供饌縣俗農家恒有種至四五垧者收穫頗多可以代糧

小茴香 俗名蒔蘿子野生極多性辛辣鄉間採作調料

莧 色黑紫霜後熟縣產名馬齒莧葉似馬齒

苦菜 一名苦苣縣境山谷多產之春生細嫩採以充菜性涼味稍苦莖中空
斷之有白汁花黃似菊夏季莖老飼畜佳

蒼蓮 即蒸菜取其味甜也自生宿根葉青白色似白菜可蒸食花白其莖燒
灰洗衣如白玉

苜蓿 原出大宛漢張騫帶歸中國本草謂陝西甚多用飼牛馬嫩時人兼食

橫山縣志

卷二

五

榆林東順齋石印

之刈訖復生莖似灰藿花紫色子黑內有米可為飯釀酒

薺菜 即護生草俗名搭蠅花莖硬而長葉鋪地六月開白花可辟蠅嫩葉堪
調羹莖作葷

落藜 正月採頭湯食老可為杖

灰條 色灰莖葉有細粒如沙一名灰藿鎮志嫩時可作菜多食破腹

摘蒙 莖圓細如苔胎髮多野生七月尖頂開淡紫花婦女採之調羹味辛辣香
美為鹽梅之用

玉環菜 俗名疊流莖高三四尺如桑株根結節莖三寸長白如玉指重疊繁
生子孫衆多味甘炸食脆甜

蒿笋 莖青白槓棒狀葉綠嫩折出白汁削皮為蔬味清涼

芥藍 俗名茜蓮甜脆為蔬中極品葉青藍根上結實露外大如瓜葉生實旁

亦可作菜

蓮花菜 俗名圓圓白葉層層包捲甚堅其味似菘甚甜烹肉極佳往往一顆重十餘觔

蒿苳 味似苦菜可以充饑

野豌豆 即薇也生水澤葉似萍蒸食利人微賤之食也

蒲公英 俗名黃花地丁葉似苦苳中出一莖開黃花

茄子 一名落蘇皮紫色形圓大類甜瓜可供菜用

地軟 即地木耳雨後沃地遍生色青綠似木耳

地椒 本草名水楊梅葉細味美採為椒用羊食此草其肉味香美

長苗 根味甜一名甜苗

辣子 有大小兩種色赤紅味極辣大者名洋辣子大如熟柿可代菜味辛少

橫山縣志

卷三

六

榆林東順齋石印

遜

金針 即萱草花未開時狀如針金黃色一名黃花菜炒羊肉最美

蕓苔 莖嫩可作蔬俗呼油菜

蘑菰 即菌蕈類也有兩種其生於桐柳蔭者白黑不一形大如張傘味劣有毒

縣境草地納令河盛產狀如蕊珠色白其初出土者味尤珍美俗名丁香蘑菰延綏鎮志謂懷遠向產蘑菰殆然歟昔年土人秋季圈籬栽養獲多價廉為貽賤佳品今則外○日多非復如前之易得矣

沙耳 夏季多產沙濕中肥大而白合肉可食味遜南耳

瓜部

西瓜 性涼為消暑佳品皮綠者其瓢金黃皮青黑者內恆赤紅夏至施種秋初可熟詩所謂七月食瓜者也先結者名伏瓜

甜瓜 似菜瓜味甜有青綠黃斑皮諸色大小不一葉如黃瓜二月開小黃花七月可熟生食香美縣境山園多產俗呼香瓜兒有燈籠紅八月黃老漢棉金香脆蝦蟇皮等名

菜瓜 即越瓜俗名毛菜瓜多長大形生食供菜用

倭瓜 其種來自倭國大如盆鄉間家種數畝供餐飽食可代糧粟色青黃不一俗名雲瓜瓢紅黃

番瓜 一名南瓜狀類倭瓜色彩鮮紅斑爛中臍突出作波濤狀蒸食最甜有黏力

枕頭瓜 大如枕色味同番瓜

黃瓜 一名胡瓜出自西域莖蜿蜒作架狀長如棒生食味涼爽

冬瓜 形如長枕色青經霜白似粉味淡

橫山縣志

卷三

七

榆林東順齋石印

苦瓜 即癩葡萄顆小味苦炒食去火

葫蘆 即匏瓜大小數種柄短腹大者可為壺本名壺蘆剖為二當杓用

西壺蘆 一名西番壺蘆形長圓青斑色幼為菜老則壳硬瓢為黃絲甚甘美
果部

李 生青熟黃狀如杏按王禎農書云北方一種御黃李形大而肉厚核小而甘美

杏 二月放淡紅花縣境所在多產有大小日月之分以他木接成者核大而扁其味最勝俗呼沙杏白杏者色青白稍酸

桃 多生山谷間色綠有毛熟青白味淡而甘其截接杏條者名接桃肉肥厚富甜汁味殊美

棗 色赤長圓形縣產遠遜黃河沿岸一帶

梨 邑中種者絕少近來縣屬小理河所出實大味甜適口多水分

林檎 俗呼紅花果熟時衆禽來集林下故名

蘋果 似林檎色青稍大縣多產

胡桃 即核桃縣西南山間有之

葡萄 來自西域園田及川原院宅多種之冬以糞壓春初展枝用木架之為

棚納涼最佳易招蟲蛇有紅綠兩種紅者味甘八月方熟

木瓜 金黃色大如拳味苦不可食惟香爽可玩

椒 縣少產惟人家花盆多栽之以避蛇蝎

杜李 即詩之甘棠也善化生不可食

羊棗 俗名酸棗多野生山畔溝堦間向陽處實大而甜形色赤圓小如珠味

烈酸

橫山縣志

卷三

八

榆
東順齋石印

無花果 俗名山旦旦

沙棗 色赤紅無核沙粒如晶甘淡山中產之

木部

栢 松柏為衆木之長松猶公也栢猶伯也北地未闢栢樹至多今則童山濯

濯他木尚且罕觀況在珍材安問及耶

松 縣境小理河川及祠宇古剎間有存者

桑 乃蠶所食葉之神木也縣俗尚稼紡績不競故鮮養蚕則絲無矣鄉間田

阡非無桑株然較江東女桑則望塵遠也桑葉飼蚕桑椹可食根初出土名馬

額旁行出土名伏蛇皆有毒殺人縣俗以條之長者編製筐籠最堅耐久

榆 地接榆塞其北復名榆中則是地多榆其信然歟况縣古號榆川旁徵志

乘邑境內有榆林衛榆樹澗榆兒峁等村所見不一尤為尚矣其木理細緻為

性堅紉莢可為羹皮能充飢應用之廣不僅區區也

柳 為榆之次者一名楊柳其葉狹長而青綠枝條長軟積久條分成椽可以蓋屋其倒種者垂楊挂絲則謂之垂柳也

蒲柳 一名青楊水楊以枝硬而揚起故謂之楊性宜水涘蒲萑之地復有水楊蒲楊之稱詩隰有楊是也

檉柳 俗呼為柴柳其樹高舉其木如柳故名似柳非柳似槐非槐大者高五六丈合二三人抱鄭樵通志謂檉乃榆類而枝烈其實狀如榆錢采其葉可為甜茶

檉柳 河柳也皮正赤枝葉似松又名沙柳今俗謂之三春柳其枝幹可作鞭竿其皮為痘症之聖藥也

杞柳 叢生地埭其條柔白去皮可製畚箕俗名卧柳

橫山縣志

卷三

九

榆
東順齋石印

白楊 一名獨搖俗呼青楊幹直而高葉尖圓而肥面青背白木理細白可雕刻往往無風自動葉響聲如降雨

水桐 即青桐多生溝坡幹直高大最易成材

檣椿 香者名椿其葉春初作菜臭者即檣木理細酷似榆其脫節處有巨眼故亦名虎目樹縣多產

桂 為香木縣境向絕種今由南携來種於花池者株甚矮小

槐 一作櫟葉稍圓青綠色六月開黃花結黑子炒熟染黃俗名槐子近有洋槐來自西洋取子播種成長較速

肥皂莢 秋間結黑紅莢中有實如豆大鄉曲間有

棘 俗名棘針鄉人砍插柵籬以防盜賊

紫荊 花香撲鼻產崖畔間

枸杞 縣境處處生之春生苗葉如石榴葉而軟薄可食故名甜菜二月生小紅紫花結實微長如豆而紅其根名地骨皮沈存中筆談言陝西極邊生者高丈餘葉長數寸無刺根皮為厚樸可入葯大抵以河西者為上又以服堅筋骨輕身耐老令人長壽按陶景弘言枸杞根實為家用服食西河女子服枸杞根莖花葉實俱采用其子尤為滋補品波羅堡產者較佳

黃楊木 多生山野根葉攢簇上聳四時不凋難成長材
花部

芍藥 赤者名木芍藥白者為金芍藥縣產多草本花朵小鮮紅色近有自外來者花大如蓮層瓣作捲狀呼為洋芍藥唐書地理志榆林貢芍藥

牡丹 一名木芍藥縣城北李家坵有日本種牡丹花瓣僅兩層淡紅色遠遜漢種牡丹

橫山縣志

卷三

十

榆林 東順齋石印

蜀葵 名大蜀薺俗呼大紅花莖高六七尺一葉一花由下而上次第開放可至九月色赤紅層多鮮豔

紫蜀葵 俗名紫花兒狀如蜀葵色黑紫可染衣
錦葵 即小蜀薺枝葉繁盛花小有紫紅白黃數色

向日葵 每株頂花一花大如小盆性喜向日移轉色金黃子多可炒食俗呼向日黃

龍葵 一名老鴉眼睛草土人喚為天茄子其子成熟色赤者為龍珠

萱花 即忘憂草俗呼川草花妊婦佩此則生男故一名宜男詩謂焉得諼草言樹之背以憂思中樹此則忘憂也吳中呼為妓女其花可作蔬食

玉簪 六月抽莖出花長二三寸本小末大白如玉形如簪性喜陰涼遇烈日則葉焦苦

茉莉 種出波斯味芳香襲人能掩衆花縣境產有紫茉莉婦女以花飾頭其汁可敷面故一名胭脂花

菊花 早開者為六月菊晚開者名九月菊其莖葉灰白而綠花朵大較耐寒有紅粉紫黃白各色大小不等

鳳仙 俗名指甲草婦女採花搗汁用染指甲有紅白紫綠各色花瓣簡單有二柄托

石榴 縣少產多栽貧中其花艷紅可賞多不結實

淡竹 一名碧蟬花嫩時可食

珍珠蘭 即米囊花俗名懶抬頭子可榨油

金盞 花大如指頭色金黃四時不絕故一名長春花

鷄冠 狀似雄鷄冠有赤紅白黃各色長扁形最耐久

橫山縣志

卷三

十一

榆林東順齋石印

虞美人 一莖作蓓蕾開花五六瓣翠色俗名後姚婆

石竹 葉叢生如竹花小亭亭可愛俗呼石竹竹花

牽牛 枝莖繁茂七月開花有藍紫二色

月季 花深紅按月開放葉小於薔薇一名月月紅人家多栽種之

夾竹桃 花如桃葉似竹不結實

解渴兒 即水羅莖葉脆小而嫩芳香撲鼻手握之移時不沒婦女夏季用以

香髮七月開小白花俗名奶康兒

酒醉兒 莖細葉硬有毛花紫紅如小球

臭金蓮 即金菊色金黃長柄六月開花有臭味

刺梅 即玫瑰也莖多刺花有紫黃味濃香和糖作餅點侵水極芬芳

山丹 即百合花色赤如胭脂夏間放花鮮艷奪目

水紅花 為紅寥花多生水澤旁

老來花 本名老少年莖大至八九月葉紫而頂紅如幕形

野菊 葉小而尖花小蕊多如蜂窠狀多生澤畔莖如馬蘭

藍蝴蝶 莖葉柔蔓花藍色酷似蝴蝶形

洋梅花 莖葉似瓦松花紅色

十樣錦 即十姊妹花微小一蓓十花紅紫白淡色色不一

竹葉梅 花八瓣色猩紅中心金黃嬌艷奪目葉有深紋

碗碗花 枝延蔓葉如桃花淡紅狀如喞叭類生郊野

草部 葯草附

甘草 為衆葯之主治七十二症葉似槐葉七月開紫花冬結實為莢根長三

四尺皮赤色肉金黃性甘涼本草謂出河西川谷積沙山及上郡今縣境到處

橫山縣志

卷三

十二

榆林 東順齋石印

繁生每年遠商紛紜來掘邊外產尤佳為出品大宗

柴胡 即茈胡辛香可食嫩時采以代茹莖青紫葉似竹葉秋開黃花根如鼠

尾味苦 木草註 柴胡以銀夏產者最良其根白俗呼銀柴胡縣屬邊外納令河

一帶其質尤佳商客年爭採掘運銷各省頗廣

蛇床子 為葯中要品

馬蘭 俗名馬蓮其葉似蘭紫花多生湖澤濕處葉細條堅耐可束菜

艾 一名艾蒿春初生苗莖似蒿葉背白邑人於三月三日五月五日采葉曝

乾陳久應用災疾

茵陳 蒿 俗呼香蒿 經冬不死立春出土葉似蓬蒿而細春初抉取嫩芽泡酒

飲之色綠芬香別有臭蒿一種莖高味劣

沙蒿 生沙磧七月結實黑而細秋熟採籽富有黏性俗名蒿子應用頗廣價

亦昂

益母草 即龍床草莖方如黃麻葉類艾一梗三葉五月開紫紅小花萼內有小粒縣產白黑兩種善治婦人氣血症故名

金錢花 二月發苗近水處生花如菊花形小類銅錢深黃色

苕麻 莖細長至丈餘可以績麻結子稀少

席薊 莖光滑堅實可編為蓆捲苕蓆

蘆巴蔓 草類盛蔓生田野間

車前子 俗呼猪耳朵草葉肥大類猪耳深褐色味辛喜生道旁能利小便

蘆 一名芋子詩謂彼茁葭蘆者是也多生濕澤地莖挺直似竹中空採以織蓆葉光細可包粽

麻黃 莖圓細頂開小黃花叢生山中莖內汁黃如蜜味甜微辛

橫山縣志

卷三

十三

榆林 東順齋石印

知母 俗名兔兒草根黃

遠志 即野扁豆苗似麻黃而青

薄荷 方莖中空生水中味辛烈

黃岑 莖粗如筋葉四面叢生

零陵香 一名董草味芬香古代以燒香禮神故名

地黃 葉有縐紋形類車前紫紅花根如人指

荊芥 一名假蘇似落藜而細

馬兜鈴 即臭管子苗支蔓葉似山蘚而厚大背白花黃紫實如棗有數瓣

辣辣 葉長形味甘性冷善利小便荒年可代食

篇蓄 俗呼道生草赤莖節好生道旁可食

穀精草 生荒田中葉似嫩穀秧莖頂生白花

菟絲子 俗呼黃絲子蔓生草上無根

地膚子 即禿葶子枝叢出如小樹

地骨皮 枸杞根也

地丁 葉似柳而細長開黃花一名黃花菜 即蒲公英

旱菸 即小菸也葉肥大花黃作筒狀

茅 詩所謂一團茅草亂蓬蓬也

棉蓬 子小而味苦荒年用以充飢

葶藶 莖細長有茨山野多生漫漶可代肥料

蒺藜 隨地蜿蜒結實有茨

苔 水苔也即墻頂青衣

瓦菘 形似杞生瓦間

橫山縣志

卷三

十四

榆林 東順齋石印

葎荇 音浪蕩 莖葉皆有細毛花白色結實扁細如米青黃色

山葱 即沙葱莖似摘蒙稍粗頂開紫花可為菜食

菖蒲 生水澤中葉綠有脊一如劍刃縣產有香臭兩種鄉人採香蒲于午節

挂戶辟邪老時莖端結萼俗名薄槌可燃油代燈

水萍 多浮池澤水面葉下有小鬚即其根也

獸部

豕 彘也小豬俗呼豚猪性趨濕喜穢人家多飼養之

犬 狗也有二種大者普通守夜小者俗呼板凳狗或名哈狒獅子狗顏色黃

白黑紋不一

羊 有山羊綿羊之別山羊色黑多絨綿羊色白毛可製氈皮可成裘肉最適

口有益人生

黃羊 多產草地沙中皮毛黃色善走獨居睡時易捕皮可為褥其形似鹿而小
牛 三歲二齒四歲四齒五歲六齒力大用以耕田農家戶必飼養可省人力
馬 縣境騏驎騶驪所在多產最善馳騁之用按李時珍指馬以西北為勝雲
中馬良地接蒙疆邊人多恃孳乳為貿易大利

驢 長耳倭身有黑灰數色頗利販運

羸 即騾也似驢而大力健倍馬不能孳生牡驢交馬而生者騾也牡馬交驢而生者為馱驢牛驢相交則生驢騾

駝 即駱駝背有兩肉峯如鞍形夏至退毛休止秋後起場其性耐寒畏熱善審氣候風向刀負千斤日行二三百里善走沙地故有沙船之稱

野猪 縣西南荒山中間有之

橫山縣志

卷三

十五

榆林東順齋石印

貓 善捕鼠其睛子午卯寅成線寅申巳亥如滿月辰戌丑未如棗核鼻端冷愛居熱處

狐 多出山間狀類小狗其皮毛溫柔最宜禦寒所謂集腋成裘者近日外商收買價值昂貴

狸 俗呼貓野大小如狐毛雜黃黑恒取死人骷髏戴之對太陽拜百日即可隱形為崇俗名毛鬼神也

貓 即獾也毛粗硬灰白色皮可作褥為避濕禦寒佳品

鼬 似鼬而大腰後黃色頭小捷捕禽畜俗名黃腰莊子所謂騏驎捕鼠不如狸鼬是也

貉與貓同穴異處如小狐性好睡

狼 大如狗多蒼黑色善隨氣節變色相其聲能大能小嘗害及家畜

豺 體稍瘦而性猛惡牙如錐而群行前矮後高尾長垂

兔 多產山中趾前短後長善跳躍肉味美

鼠 穴居善為盜邊境大鼠恒穿山成洞盜貯糧粟以備食數年

田鼠 大如小貓為害田禾詩云碩鼠者是也俗名兔鼠

黃鼠 俗呼黃鼠郎善攀岩崖出穴見人則交前足如拱揖狀詩所謂相鼠有

體也本草云黃鼠產延綏諸地 鎮志

吉林鼠 即格連也蒼質白紋

鼯鼠 俗名剪姑兒鼠之最小者

瞎眼 即食鼠短足無目性狡聞人足音輒匿天將雨則鳴 鎮志

刺蝟 周身生刺如箭山野多有

掃雪 俗名也大如獾毛蒼青嚴冬霜雪不侵故名近時洋商採買價昂狐皮

橫山縣志

卷三

十六

榆林東順齋石印

數倍其皮可製煖帽圍頸為珍品之最

禽部

鷄 有司晨之德家家畜之

雁 冬去春來俗名沙咯喇多聚無定河岸

山鷄 一名錦雞色灰毛斑嘴足皆紅

野鷄 名雉尾五色燦爛長尺許

鷺 長脰善鳴見生人至則鳴故善守門

鴨 家鴨曰鷺身矮尾禿喜泳水嘴足皆黃

野鴨 一名鳧 多名集合河邊

鴿 多宿屋簷間唐明皇呼為飛奴

鴉 性群居純雌無雄喜與他鳥合故性淫

鴛鴦 即黃鴨嘗棲河澗中雌雄不相離有五采斑紋縣產毛質多杏黃色

鷓鴣 即水老鴉色黑如鴉長喙微曲善泳水嘗沒水取魚

鷓鴣 棲林木中飛必南向背毛有紫赤浪紋恒自呼其名故俗名咕咕庫

鶉 一名鷓無斑者為鷓善鬥搏

雀 即麻雀瓦雀短尾小鳥也羽毛斑褐常在階除

燕 有胡燕越燕兩種紫胸白腹輕小者為越燕家燕斑黑而聲大者為胡燕
石燕

斑鳩 有斑與無斑之分雌呼兩雄喚晴

布穀 即郭公鳥似鷓長尾牝牡飛鳴以翼相拂

慈烏 一名寒鴉似烏鴉而小多群飛作鴉鴉聲初生母哺六十日長則反哺
得仁孝之端故名

橫山縣志

卷三

十七

林榆
東順齋石印

啄木鳥 禽經云鴛志在木鷓志在水面如桃花剛爪利嘴嘴如錐長數寸舌
端有針刺得食以舌鈎取之

鸚鵡 即八哥身首黑翼下有白點其舌能效人言

烏鴉 頸白而小小嘴性貪不能反哺

山鳥 小而赤嘴穴居者山鳥也鎮志云鴉有赤嘴白項二種

鵲 知風善為巢仰鳴則晴俯則陰能報喜故名喜鵲

鴟 鳴號也攫烏子而食頭目如貓恒夜鳴俗呼恨狐

鵬 俗呼鴟怪晝出夜伏聲如老人先呼後笑惡鳥也

鷗 即鳶隼俗呼老鴟似鷹而小尾如舵楫善高翔飛高靜止不動攫物如射
鶴雀畏之

鷹 似鷗而大故大為鷹小為鷗其性鷲猛好擊搏有青翅黃眸金距名目皆

鷺鳥也

百舌 俗名百靈雀春來則鳴能效百鳥聲多畜之籠中

鷗 一名鷺常居水中

戴勝 頭有花毛如角俗呼臊^鴉鴟

蝙蝠 狀如鼠以肉翅飛至夜方出俗名夜蝙蝠

鱗部

蛟 按蛇與雉交生卵遇雷入土似蛇經二三百能升騰為水患然傳聞如此究未見也

魚 多生溝澗中每遇河水泛漲恒見鯉鯽多種

鱒 即蛇魚如繩狀色黑肉味美

守宮 有壁虎蝎虎攀緣善急走捕食蝎蜚

橫山縣志

卷三

十八

榆林東順齋石印

蛇 毒蟲也有草蛇白肌蛇紅斑蛇水蛇數種頭尖銳者有毒頭圓鈍者少毒

介部

鼈 團魚也食之滋陰

蟲部

蟾蜍 多生人家下濕處俗謂之旱蝦蟇午節取以醫瘡

蝦蟇 產溪水中與蟾蜍異

蛙 一名田鷄其鳴恒自呼似蝦蟇而背現青綠色尖嘴細腹俗謂青蛙農人聆其聲早晚大小占歲豐歉

蝌蚪 頭圓身青黑而尾細春初蛙蟄洩腸水草際時鳴以聒之則蝌蚪皆出謂之聒子

蚯蚓 多生平地穿土成邱其行引而後伸故名

蝸牛 形似小螺白色頭有四黑角背負蝸殼而行遇驚則縮入殼中

水馬 俗名水駱駝長足寸許群游水上水涸則飛

水蛭 一名馬蟻刺人畜足輒痛流血

蜂 尾端垂刺如鋒故名其採蜜蠟者為蜜蜂穴居赤黃而大者為土蜂銜泥及破紙於牆檐作層房者為黃蜂身圓小多毛尾無鍼者為懸蜂

促織 蟋蟀也俗呼秋蟬兒

蠶 種類甚多食桑吐絲鄉人飼以製絲

蛾 有多種出於繭者為蠶蛾肥身而飛聲温温者俗呼為風葫蘆短翼長嘴如老婆舌頭夜趨燈光者為燈蛾翼上有殼趨燈者為油葫蘆

蜻蜓 有四翼六足其翅如紗嘗飛翔水際

斑蝥 身黑頭赤大如巴豆甲有斑點常附豆葉毒虫也

橫山縣志

卷三

十九

榆林東順齋石印

蜘蛛 有蟻子壁錢蠨蛸數種其結網屋角有網有目者通常謂之蜘蛛

蠅虎 似蜘蛛而小色灰白善捕蠅

壁魚 俗呼墻魚書壁間生之

百足蟲 一名馬蚘千足生下濕處周身多足俗名毛蚱蚱

蜥蜴 俗名蛇鼠子頭圓色灰善急走岩壁間其生於沙中者為沙和尚說文在壁曰蝮蜥在草曰蜥蜴蝮蜥俗呼蝎虎兒

蝎 有六足八足兩種周身生黃黑硬甲尾有刺鍼刺之奇痛

螺絲 大如指頭而殼厚惟食泥水

蝦 產溪澗石穴中小而無肉不能食

阜螽 一名蚱蜢在土為土螽在草為草螽比草螽大者為螽斯皆類蝗而大小不一俗呼為百蹤者以其善跳躍其以翅鳴者為螞蚱蚱

螳螂 兩臂似斧當轍不遜故名俗名草猴子

蜚娘 一名推車客俗名糞爬牛喜入糞土智於轉丸

蜉蝣 出糞土中朝生暮死

蚰蜒 周身多足赤黃色有毛有光人人竅為害見必憎惡感不快

蛺蝶 一名蝴蝶采色如錦飛游花草間吸採花粉故為花之媒介

螻蛄 立夏後夜鳴月令螻蛄鳴者即此

螢火虫 詩豳風熠燿宵行宵行即其鳴也呂氏月令謂腐草化為螢長虫蛆

蠋尾後有光蓋感大暑熱濕之氣遂變化成形云古人多集此照夜以代燭

蟬蛻 即金牛兒飲風吹露

蟻 螻蟻好鬥有君臣之義其有翅而飛者名飛螳俗呼螞蟻工蟻善工作秩

序宛然

橫山縣志

卷三

二十

榆林東順齋石印

蠅 喜暖惡寒隨氣而來其雄壯金黃色而赤頭者為蒼蠅逐臭蝟集

蚊 生夏日嘴端如筒吸人血汁最易傳瘟

伊威 一名鼠婦生濕潤處似白魚多足背有橫紋俗名鞋底虫

蝨 種類正多人牛豕畜及草木土沙均附生之

鑛部

白堊 俗名石灰縣境沙磧所在多有為建築之要品

鹼 色白結晶性能去垢酵麪無定河沿川及溝渠下注到處盛產潮如雪白

近年樊家河等村人多刮熬質料佳美

白土 一名畫粉其質細膩而白可飾牆壁

黃土 俗名石黃可助丹青

紅土 俗名馬紅以黃泥燒煉而成

石腦油 卽石油縣東南响水堡河灣時有赤黃膏液隨水流出頗似瀉漆有硫黃氣

煤炭 為燃燒料內含硫黃等質有兩種其大如塊石者質堅耐燒焰烈多煙縣屬煤苗饒富如槐樹卯高家溝蔡家溝王樹卯王家坪鄭家崖韓家岔吳岔五龍山駝燕溝黃草灣俱煤鑛豐厚畧掘卽得現開採者數十處惜人力拙笨水出輒淹他日能施新法採取其產額正未可量也

鹽 為瑩澈透明質有益人食縣南孫家園子三皇廟等村喬溝塩子溝一帶設鍋熬煎頗獲利益

硝 有火硝皮硝兩種縣境無定河沿岸濕灘各處盛產惟大利棄地人不知採惜夫

石炭 一名木炭質緻密光黑縣南小理河麒麟溝以此所製各種器皿頗稱

橫山縣志

風俗志

橫山地處塞上明屬邊衛土著居民多由晉豫軍籍防屯而來故社會習尚簡樸茲就普通現行者畧述之

一禮俗 縣民讀書知禮者素寡然性質淳厚頗知敬老尊長尤重宗族觀念士庶家設祖先神主而譜牒宗祠向無創置同宗者往往因田產承祧啟釁後輒聽長老調處恬服無辭外人以鬥歐凌虐者則集衆爭鬧立雪其耻俗好迷信鬼神家人患病動延巫跳神境內寺廟林立民人對於公益救濟事宜恆吝惜不解獨於修葺廟宇迎佛賽會反踴躍爭先抑亦風教之急宜矯正者也

甲婚嫁 邊俗早婚由來已久男子垂髻未達成年尊長切望子孫者居然授

橫山縣志

卷三

二十二

榆林東順齋石印

室成禮襁褓繁育普通男女歲十四五男家倩冰媒合女家報以庚書名曰合婚男家遣媒送酒盈樽以棗為塞俗呼定婚嗣彼此諷吉男家贈女以簪

環首飾為戴耳鎚迨標梅期迫復由男家備財禮若干

按縣俗定親先講財禮為數不等中人之

家至少一份為三十六元次須四六十元不等貧者有至百元以上禮曰婚娶而論財夷虜之道也縣民生活艱苦若貽財專資女家粧奩之用者其實事不盡然亦習俗成風也 暨釧珥脂粉布疋羔醴送之女家名納采俗喚戴采禮男家迎

期擇定倩冰備帖詣女家告以月日名曰商話但晚近多與納采並行迎娶之翌男家遣房頭冰人攜新婦衣衾首飾化粧等品至女家為送衣裳縣俗不尚親迎至期男家備花轎請女賁二男賁六或八人張樂往迎女家酒饌款接如禮新婦服以硬衣由父母扶之登輿女家送賁如數答之至門墻出為禮以紅氍席地交拜如儀名曰拜天地合盞之夕新房屏絕外賓出入嚴守門戶名曰壓幃且是夕男女俗忌交語秉燭達旦夜半翁婆詣洞房外浪

擲糕餅俗喚叫兒孫並由兩家女眷會食其內名為爽鋪翌晨新婦華服艷粧女家預贈席筵新婦新郎並肩會餐名曰圓飯畢由女賓導新婦入室媿廚名為參廚次堂供宗譜由父母導領新人登堂敬謁先祖禮畢新夫婦並立擇年長者居上禮別尊卑依次喚請參拜名認大小親族來賓咸出資答敬名為拜禮如數咸畀新人竟日豐饌宴賓盡興權飲禮成壻家媿母家喜糕兩方名離母糕餘依女家親疏分貽飴脯各物引壻權送來賓名曰發客三日女家父母躬請新婦新郎名曰回門自此新婦於母家婆家各居半月名坐對月此婚禮也邑中婦女素重節操不幸中途夫故青年有子者中資之家恒撫孤守節社會欽譽不置倘以環境所迫不得瞻養者則再醮改嫁其僅有女無子者其父母以宗祧承繼有延外姓入門為贅壻但以血統所關立宗族近支同輩者為嗣古云同姓為婚其生不繁縣境間有同姓結婚

者與姊妹之男女及姨兄弟之男女為婚者與姑表姊妹弟兄同婚者雖曰親疏各異究於優生理欠洽

乙喪葬 縣俗喪禮從簡土庶之家初終襲斂衣服概用絲棉品表藍裏紅忌

着灰黑雜色殮訖移陳室寢尸床男被髮去冠婦女去首飾咸坐草踊哭三

日成服治棺富家用松柏貧者多製榆柳水桐內棺名束身子外槨名套襯大殮棺內以松脂黃臘厚塗板

施茵褥及絲麻屆時奉尸入棺整束衣帶卷衣以塞空隙喪主以下憑棺踊

哭盡哀外覆錦衾蓋棺加錠移柩室外施設帳幃以枕衾置棺上前設靈座

几筵以絳帛為旌題曰顯考某府君之柩婦書顯妣某氏為銘旌男女內外

序哭如儀諸子次於中門之外諸婦次於中門之內寢苦枕塊不脫經帶

成服以親疏為等朝夕奠哭喪主詣親戚家報喪親賓聞訃備以香楮酒燭

獻餅縣俗有大小獻之別詣靈前拜奠喪主出幃嵇顙哭謝賓客答拜承孝退去司賓

延客待茶饌送出 啟賓至墓古以三月為禮縣民謬於風水入塋必占山
向大利否則停柩宅內以瓦成倉中實以沙名曰沙墓至有停延數年不葬
現時此風稍殺多暫厝宅外 墳塋營造類穴土為室其土質鬆疏者則改
用瓦石砌室墓門石碣圓首方趾內無壙誌塚高六尺前豎碑碣上書職銜
姓氏年月墳外四隅樹以石柱塚後立后土石壘縣俗殯葬習尚僧道故葬
前喪主諏吉預延僧誦懺至三日五日七日不等名曰道場富者鼓樂喧天
酌酢流連不輟寒微之家竟一二日即殯今者生活增高率以儉約相尚喪
主先期訃告族戚屆日賓客踵門舉凡雜項工作分別延請執事襄禮賻儀
奠禮親疏有差城市類以銀錢資助鄉曲則畀以粟豆是亦禮從簡便也
開兆先由喪主率諸子適兆所延年長者吉服酌土開壙名曰破土 發引
前後前二日喪主以下五服之人各成服遷柩設奠於靈前導鼓樂至郊接

橫山縣志

卷三

二十四

榆林東順齋石印

娘舅賓客次親友畢集各執其事

縣俗先二日約客榜示執事人等

延娘舅於堂上喪主以

下叩拜告以殯禮

縣俗事前請舅家名曰說話如爭持不滿時則親友點綴從優始罷

及夕先奠告祖禰次奠

靈前以長子或承重孫承祭行三奠禮每奠叩拜各九哭泣盡哀翌日以朝
午夕設祭祭饌從豐陳設行禮如儀殯期前晚行遷柩禮泣告將行質明陳
明器於大門外納靈車於廳內正中喪主輟哭視載行奠遣如禮出大門施
引遂發輿喪主以下經杖衰服男在柩前步引女追隨柩後泣送俗名搬喪
外親分執引布至墓設柩壙前設題主案於右壙中鋪陳畢下柩安位加銘
旌於柩上男女以次哭辭遂斫覆土成封植喪杖於封上執事者陳饌祭土
喪主以下退就靈幃之左序立再拜請主官縣俗土庶之家請有官職者題主中人以下多半輟廢題
主次就靈車捧主櫬跪行至主官前啟櫬出木主卧置案上再拜請題主官
題點訖納木主於櫬司禮者向墓前招魂受生氣迅納魂帛於櫬敬奠讀告

辭奉主櫬置靈車五服人舁之返 靈車至家婦女素服再拜奉迓於大門
外之左右主人奉主於几上拜奠畢復奉主返亡者正寢執事者具饌品主
人以下更素服就位主婦薦羹主人獻爵讀祝祭奠如儀闔戶衆退縣俗迓主返室
必朝夕拜奠百日始移主升柩喪主以下由墳返家人預以金銀石炭餅
糕等物覆盃於室內導引跪揭名曰接福葬後男女以青紗帕加於孝冠名
為收頭又殯葬三日內男女每夜焚香聚哭於大門
外翌由近及遠名曰送火三日詣墓哀哭名曰復三

丙祥禫 按禮云期為小祥於忌日行事再期而大祥周年屆期筮吉通告親

族及五服之人詣墓焚香進饌酒行禮除服期服再期亦如之即屆二十七

月禫服之制也

縣俗亡者沒後自忌日起每逢七日則拜奠由頭七計至七七為止屆百天焚香拜奠為百日

丁拜掃 歲逢上元清明冬至歲暮等節主人率子弟婦女潔具酒饌香楮詣
墓拜掃並告四時歲令暑六月攜茶水豆湯至墓遍洒為送漿水

戊家祀 邑中士庶家設神主宗譜逢歲時節令展拜焚香必恭必敬著為常

橫山縣志

卷二

二十五

榆林東順齋石印

禮此外遇喪葬喜慶隨時展拜亦敬祖追遠之遺意也

二習慣 民情儉樸耐勞祇知務本不知逐末加以性情憨直拙於營商操藝
諳於趨新競巧故社會風習除少數讀書者及操作工匠商賈外十分之九
多屬農耕舉衣食住生活優劣悉以勞力勤惰為準則罔識奢華深耻偷惰
衣食 男女衣服材料純用本國棉織土布故舶來外品市場極為罕見男
子多服短衣尚白藍二色冬必着裘常藉皮毛為禦寒之具婦女則喜嗜紅
紫及銀製釧鉗首飾櫛髮昔挽高髻於頂連結後髻呼為鬢鬢閨女及笄改
辮挽雀髻號曰鬢髻比年鄉間婦女普通率為圓頭學校女生習尚時髦剪
髮者日多尋常日用食品以糜穀高粱為大宗因地屬山岳不宜種麥故麩
食甚少農家終歲以軟黍和穀壳磨細蒸餅俗喚窩窩食之耐飢能久工作
歲歉則採沙米薏籽棉蓬稗子牛孟莠子為度荒要品此外馬鈴薯番瓜蘿

葡蔓菁家必播種充日用菜蔬燃料用石炭禾楷柳條等類均本境產以木作薪則採伐不易也

住居 縣境山岳縱橫鄉間民村均倚壁穴土成窑類卑小湫隘但冬溫夏涼居住適宜故農家多樂構治冬際多雪冷凍異常家必備炭煨烘居以火坑梢裕之戶不過砌石飾造藉助雅觀院墻喜寬敞甚至一宅占地十畝以上地宅平原者鑿石作甑營治大窑有石窑甑窑之別而居房屋者較少只求足蔽風雨無雕梁畫棟之飾

風習 民情憨愚俗好私鬥以微細事故輒互毆興訟但喜善言勸導女子頗知貞操故娼妓絕迹惟纏足風盛比來天足會勵行勸禁與女學提倡之力故天足女子漸多鄉間婦女自春徂夏半與男子共耕耘田野直家喻戶曉其在縣屬東北種水田者尤然前清積習錮蔽人鮮讀書近年邑境學校

林立青年男女入校肄業者甚形踴躍高級小學平均畢業每年在百人以上此外留學京津及參加政治軍事者亦田增家庭父兄咸樂子弟讀書是亦良好之傾向焉

嗜好 縣俗嗜酒成風鄉民以米釀酒客至即出餉飲沙漠邊地向係產煙最盛之區晚近禁令稍弛種者頗廣因之民間吸食者亦不少青年嗜染偷惰以致傾家蕩產流為盜匪者在所多覲應亟設法嚴禁其次人嗜煙草雖身為農夫恒至人攜一具行卧隨吸是一邊風之遺也賭博窩聚爭嗔恬不為怪每值演劇集會甚至棚帳比鱗徵逐不悟其賊流毒直不可以道里計悲夫

三宗教 釋邊塞佞佛積習成風縣境寺宇觀菴所在林立甚至三五村莊聯合結社延僧侶住持各置香火田為久崇拜計民間喪葬俗招僧設醮誦經

追薦懺悔名作佛事但邇來俗僧奸僧濫污佛門身披袈裟呢喃誦念叩以經典教諦則茫焉莫解兼以民智漸進稍重流品者均不屑與為伍故僧尼佛徒大有日蹙千里之勢至為社會所屏溯及前明佛教全盛遺跡良致興嘆考縣屬寺宇較大者如縣城之東西菴波羅之接引寺清平大昭慶寺響水之龍泉寺縣南五雲山之法雲寺當日規模宏闊僧徒濟濟足徵其盛

道 道家為九流之一淵源最古邑人信仰是教者有二即道門渾元也道門似多神教凡神皆禮敬禁葷腥酒蕘戒女色財氣施放生樂救濟入是教者咸以善人呼之至有終身割愛不與妻妾共室者其總堂設於甘泉教主名為真人渾元教專奉如來教旨與道門相同惟民願懺禱者則水陸設醮持鉢誦經祈福耳邑內道門頗盛亦挽救世風之針砭焉

天主 陝北自庚子變亂後外人布教者接踵而來然民風尚廉不喜與之

接近故信者絕少不甚流行惟縣屬威武堡之油房頭鎮響水堡之馬坊有比國人天主教堂

耶穌 耶穌教為基督之新教近由山西汾陽法教士派遣教徒到處設會佈教有公理會福音堂美以美等會是教工作除講演勸導登記宣誓靈洗外別有創辦學校誘青年男女入教讀書者但佈教雖力而社會信從者反寡如晨星終無勢力可言良由民風鯁直畢竟羅致不易而縣城波羅響水石灣蓆葦灘等處近均有公理會也

會社 為民間自由結合以祈禱農歲豐稔為目的每歲屆期恒齋戒清潔集僧拜懺社必聯合多村輪流鋪壇歌舞喧天備極繁盛如牛王會期為上元日清醮會則二月二日邑中類此團體者正非少數也

橫山縣志

教育志

一各級學校狀況 縣立高級小學校共四處第一在縣城內係前巖綠書院舊址創辦於清光緒三十二年社會信仰熱烈校內設有教室六座號舍四十間圖書館一座石瑤五孔一切設置頗為完備經費歷年籌儲亦甚充足教職員七人學生一百五十餘名分五級教授第二在縣屬之響水堡城內校址係前永盈倉改修並就毗連之廟舍更為教室計共教室四座廚室儲藏室五間磚窰十一孔係學生號舍與教職員住所教職員五人學生共一百餘名分四級教授第三在縣屬波羅堡城內校址係舊叅將衙署內設有教室三座學生號舍二十間教職員三人學生四十餘名分二級教授第四在縣屬之石灣鎮就前儲穀義倉舍改建計有磚窰十七孔學生號舍教員

橫山縣志

卷三

二十八

榆林東順齋石印

宿所及教室一切均在內教職員三人學生三十餘名分二級教授以上四校除第一高小校外其餘三校均附設初級生數班全縣劃分五學區城鄉共有初級小學五十七處女子小學十處計第一學區一十三處第二學區十處第三學區一十八處第四學區九處第五學區七處教授均係複式編制學生約共一千餘名

二職業教育 前已製造紡紗織布木機多架擬設立職業學校一處藉以實習後因故中止現尚無職業教育可言

三社會教育 縣城南關設有平民學校一處全縣各區設立通俗講演所五處均附設公共閱報社每處有主任一人隨時出外講演各所統由教育局督促辦理

四家庭教育 男習耕稼女習為婦之道平時家庭父兄教訓子弟仍以舊禮

教舊道德為重兒童未達學齡由家庭教以簡易文字及指示實地物質的
認識為來日入學之基礎

五女學校 縣內各級學校皆採男女合校制故縣立各高小學生均係男女
合組同級上誼城鄉初級小學亦間有合校者其專設立女子小學校教育
女子者計有十處比近學風大開父兄多願子女就學因是女子擔任小學
教師者收益較速且大也

六私塾 昔有今無所有鄉曲私塾均嚴勵改良或併歸區立小學遵章教授

橫山縣高初級小學校一覽表 民國十四年十一月調查

縣立高級小學校				校別	校址	開辦年月	常年經費	校舍設備
第一校	縣城	清光緒三十二年	商息學款洋三千元	房舍四十間石窰五孔教室五座原岩綠書院故址				
第二校	響水堡	民國十三年二月	商息斗捐布捐雜稅洋二千餘元	石窰十一孔教室四座就永盈倉改建				
第三校	波羅堡	民國十四年二月	斗捐布捐磁礮捐一千元	房舍十五間教室三座舊泰將衙署				
第四校	石灣鎮	民國十六年二月	斗捐皮毛捐利息洋一千元	磚窰十七孔教室在內舊社倉故址				
全縣區立初級小學校								
懷遠堡	縣城北門內	前光緒三十二年	布捐斗捐洋一百五十元	石窰五孔教室三間				
北殿集市	本鎮廟舍	民國四年一月	斗捐瓷口捐洋八十五元	石窰三孔				
蘆薊灘	民屋	民國十一年一月	徵收學費洋八十五元	房舍三間				
橫山縣志 卷二 二十								
納令上河	本村公舍	民國十二年一月	學捐洋七十元	房五間				
石坊灣	本村廟舍	民國十二年一月	學捐洋九十元	房五間				
沙漩溝	本村民屋	民國十四年一月	收學費洋五十元	窰二孔				
韓家岔	本鎮公屋	民國四年一月	斗捐瓷捐洋七十一元	窰三孔				
李謝溝	本村廟田	民國十二年一月	徵收學費洋七十元	房七間				
雷龍灣	本村廟田	民國十二年一月	徵收學費洋七十三元	房六間				
李家瓜	民屋	民國十三年一月	洋七十元	窰三孔				
納令下河	本村廟田	民國十一年一月	洋八十四元	房七間				
馮家畔	本村民屋	民國十一年一月	洋六十元	窰三孔				
龍鳳山	本村民屋	民國十一年一月	徵收學費洋六十元	窰三孔				
波羅堡	堡城泰將署	清光緒三十四年	斗捐布捐洋一百二十元	附設第三高小校內				

三皇廟	新開溝	孫家塢	東馬昂	鄧家塢	拓家山	武鎮	劉家渠	王家瓜	忽喜兔	傅家坪	橫山縣志	胡石窰	鮑家渠	五龍山	沙河	槐樹峁	孫家石碓	三石碓	王連圪堵	大灣	邊家灣
本村公屋	本村公屋	本村公屋	折馬家溝 本村公屋	本村民屋	本村民屋	本鎮祠宇	本村民屋	本村公屋	本村公屋	本村公屋	卷二	本村公屋	本村公田	本鎮寺宇	本村公屋	本村公屋	本村公屋	本村公屋	本村公屋	本村民屋	本村公屋
民國十三年一月	民國十三年一月	民國十二年一月	民國十二年一月	民國十一年一月	民國十一年一月	民國四年一月	民國十一年一月	民國十年一月	民國十年一月	民國十年一月	三十一	民國十一年一月	民國十二年一月	民國十年一月	民國十年一月	民國十年一月	民國十年一月	民國十年一月	民國十一年一月	民國十二年一月	民國十二年一月
學費洋七十元	學費洋六十九元	學費洋七十元	學費洋九十五元	學費洋七十元	學生擔任八十元	斗捐洋一百二十元	學費洋六十元	學費洋七十四元	學費洋八十元	公益捐洋五十元	三十一	水磨捐洋七十元	徵收學費洋七十元	學生擔任洋七十元	煤窰捐洋九十元	學生擔任洋六十八元	水磨捐洋七十元	學生擔任洋六十元	學生擔任洋七十一元	學生擔任洋七十一元	學生擔任洋五十元
石窰二孔	石窰三孔	石窰二孔	石窰三孔	土窰二孔	石窰二孔	石窰五孔	石窰三孔	窰四孔	房五間	窰三孔	榆林東順齋石印	窰二孔屋五間	附屬第二高小校	土窰三孔	石窰二孔	石窰三孔	石窰三孔	房四間	房三間	房三間	房五間

第三學區
響水堡

堡城永盈倉

榆林東順齋石印

各堡高初級女子小學校

瓦窰渠	八岔莊	大西溝	麻城界	陳家大梁	總關口	第五學區 石灣鎮	南殿集市	倒座茆	王皮莊	橫山縣志	麒麟溝	黃大梁	油坊頭鎮	廟坪	水地灣	第四學區 蘆溝	黑河子	韭菜溝	紅墩	屈家莊	金臺山
本村民屋	本村民屋	本村民屋	本村民屋	本村民屋	本村公屋	本鎮義倉窰	本村廟宇	本村民屋	本村公屋	卷二	本村公屋	本村公屋	本鎮民屋	本村公屋	本村公屋	本村廟舍	本村民屋	本村民屋	本村民屋	本村民屋	寺院廟宇
民國十三年一月	民國十三年一月	民國十三年一月	民國十三年一月	民國十三年一月	民國十三年一月	民國元年一月	民國十三年一月	民國十二年一月	民國十二年一月	三十一	民國四年一月	民國十二年一月	民國十二年一月	民國十年一月	民國十年一月	民國四年一月	民國十七年一月	民國十二年一月	民國十四年一月	民國十四年一月	民國十三年一月
學費洋六十五元	學費洋七十元	學費洋七十元	百戶租粟洋八十元	學生擔任洋八十元	學生擔任洋六十五元	斗捐洋一百四十元	學費洋六十元	學費洋六十五元	學費洋六十五元	三十一	公益捐洋八十元	學費洋七十元	公益捐洋八十元	學費洋八十一元	學生擔任洋八十五元	油捐洋九十元	水磨捐洋六十元	學費洋五十元	學費洋六十元	學費洋五十元	公田租金洋六十元
窰三孔	石窰二孔	石窰三孔	石窰三孔	石窰三孔	磚窰三孔	附屬第四高小校	磚窰三孔	石窰二孔	石窰三孔	榆林東順齋石印	石窰三孔	土窰二孔	石窰三孔	石窰三孔	石窰三孔	土窰三孔	房三間	石窰二孔	房三間	石窰二孔	土窰三孔

教育沿革

橫邑地薄民貧風氣窒塞人文學風向無可傳從事於讀書者寂然寡聞晚清同治七年回匪陷城舊有巖綠書院學舍書籍概付回祿光緒四年李公賡伯彌補脩繕畧加恢復陝甘督部左文襄公頒發各縣官版十三經諸書多種俾便士子誦讀至二十一年邑侯張子馥先生奉命來茲目覩地方固陋竭誠振飭諄諄掖誘捐廉購置經史子集及四庫提要小學性理百餘種並選送優秀遊學關中邑人賴其成達者不乏人戊戌政變及聞六君子被難先生誼切梓友東嚮設祭痛哭慨然毀廟興學力詆八股制藝之無用就玄武祠設立格致學堂崇尚康梁學說講求歐西時務實學並擴充學舍興復岩綠書院政餘臨校講學口述筆授勤懇不懈為諸生立身楷範風教沐新化行俗美殆一沉夢中之警鐘也

橫山縣志

卷二

三十三

榆林東順齋石印

光緒三十一年維新變法學部頒布興學章程通令各縣設立學堂以資進身當時邑令章春芳就岩綠書院改建高等小學堂內講堂一座齋舍十間教員管理室六間厨室三間大門門房三間東側關操場由陝西學務公所選購圖書器械延聘陝西省兩級師範生教習二員無如民智閉塞呼學校為洋學堂相率裹足故假官權強迫各堡私塾生徒入校僅得學生十二名分甲乙兩班按成績優劣給膏火錢名為獎賞教授注重經史國文而地理格致算學次之以圖畫體操唱歌為補助學科經費除舊書院膏火學田年收銀六百餘兩外復由五堡捐基本銀一千五百兩發商生息共年需經常費八百餘兩此外臨時建築購置等費由知縣設法籌措當時校內規則不嚴流弊迭生以故學生倏去倏來增減無常三十三年改送榆林中學學生縣城波羅响水石灣各就私塾改設初等小學一處學科按章教授經費就地籌辦每校學生二三十人

不等宣統元年選派留省師範警察生二年縣高等甲班畢業八人派充各堡初等小學教習稍加改良此萌芽時代之概況也

民國元年全縣教育殆成停頓狀況二年縣境烟禁綦嚴知事楊仲傑藉案籌款先後撥給縣立高等小學堂基金洋二千元曹思溫由省畢業接充校長添聘陝北留省師範畢業生担任各科教授添招學生至六十餘人計分甲乙丙三班以舊有講堂一座不敷應用因校址毗連文廟故權假鄉賢名宦兩祠暫作教室但生徒日衆宿舍難容又接連舊舍添脩東西宿舍各三間校規採嚴格主義學風整肅諸生除上課時間外因暇出入不稍假借每星期加緊隨堂作文兩次夜間實行自習各職教員更番督視不少懈怠注重國文並讀經史旁及其他學科校務蒸蒸日上學生進步敏速社會父老信仰學校當局督責勲懇咸願子弟入校讀書四年奉令改稱高等小學堂為縣立高級小學校是

年改建校門五六兩年每歲招生常逾定額頗有人滿之慮因是校舍湫隘不敷寄宿擴充問題為事實所必需其時勸學所附設校內縣教育行政亦統由校長兼攝事權統一指揮如意且鑑於各區初小校師資之良莠不齊管理教授未能盡善即就兩年畢業之兩班學生內按各生環境分別遣赴榆林投攷陝北聯合縣立中校或充各初小教員並由縣高小派員分赴各堡迴環視察指導管理教授改良事宜以是學務進展風馳電駛社會多抱樂觀七年張縣長文丞因學款支絀變賣馮君聘等膏火學田數處得洋叁千餘元除作基金洋貳千元外以千餘元增脩校長教員室益智圖書館儲藏室石室五孔添置圖書教科及理科標本校舍設備漸增完善十年以後京津粵晉留學北大師大中大平大及軍事教育者二十餘人值縣長劉治堂到任對於教育尤為竭力振刷設法籌增基金添聘教員並脩石室前東西宿舍十間西院正庭通用

大教室五楹又教室前脩學生寄宿舍兩排排各五間舊有操場已嫌狹小復在文廟聖宮後校長室之東拓築寬大操場規模頓形改觀每年定期招集五堡初小校學生舉行競爭攷試按成績高下分別給獎群情鼓舞輿衆騰歡學風為之一變十二年令改勸學所為教育局十三年春經教育行政會議決定就响水永盈倉故址添設第二高小校新招兩級學生五六十人十四年成立第三高小校校舍為波羅舊叅將衙署並派教育局長魏長城分赴各堡強迫改良私塾推廣全縣初小校增至五十七處及女高小校一女初小校十平民校一或就私塾改良或擇殷實村庄邀請素孚鄉望者就地籌辦共計次第成立高初小校七十三處學務蓬勃生徒濟濟青年子弟就學讀書者異常踴躍各高小校每年招收學生一班十五年在石灣鎮添設第四高小校均由各堡紳董籌畫設備此後各校年有畢業生全縣教育基礎鞏固形式精神各臻健

全省方北上視察教育者評定橫山教育成績優良獎勸有加十六年為完整教育統系計由教育局劃分全縣為五學區為便利指導各區教育行政事務職責每區各設教育委員會並將楊前知事籌措縣農林會的款銀貳千兩分發各區學董經手發商行息作為各小學校常年補助基本經費同時成立通俗教育講演所及民衆閱報室各高小校圖書館三處俾便各界民衆增進國家社會普通生活上應有之智識此全縣教育經過之大概情形也

橫山縣志

實業志

一農 邑境氣候寒冷地瘠民貧普通生活全依耕作故農戶約居十之九每季立春即擁肥料繕農俱清明節後始插鋤播種自晨至午以一牛力耕之田名為一垧家飼牛一頭種田百垧者（三畝為垧）稱一牛犍及苗長施耘鋤必三次初撥苗而再除草其地乾燥不潤常視雨澤之多寡以占一年豐歉如暑中缺雨即終歲勤苦仍有衣食為艱之憂况乎地不宜桑人鮮植棉所種者糜穀黍菽而已婦女亦不知紡織男恒以粟易布為衣年來雖頗知漏卮種者漸多惜田礲法拙成效寥寥以故積蓄非易生產日蹙一遇凶荒民之弱者轉乎溝壑其强者則輟耕而太息矣

二工 居全部百分之五類執通常粗疏之藝中以木石瓷鐵工藝佔多數而

橫山縣志

卷三

三十四

榆林 東順齋石印

銀銅鉛錫皮畫匠等工多來自鄰封他如編柳織毛製氈蒸煮塩塢油酒醋醬等事皆於農暇從事藝不專操也

三蓄牧^畜 服裏蓄牧^畜概係附屬生產農家牛馬驢騾戶必飼養而牧羊目的注重擁糞每年成群滋生最繁近年皮毛昂騰養戶利倍尋常故牧者恆多邊外伙盤居民水草便利大半以蓄牧^畜牛馬為生活工主要營業馬則五十成羣每羣選牡馬一頭領導而牝馬服從自如決無散失殆亦蓄^畜性使然羊則一户有牧至千餘者秋高肥碩咸至內地貿易利極居奇

四產業 農產以糜穀豆稻為大宗物產以皮毛絨磁甘草煤炭為貿販要品磁廠在縣轄東南之韓岔吳岔高崖鄭崖殿集市及波羅堡之吳坵窰等處設廠二十餘所製造行銷暢旺煤礦盛產無定河南岸及大小理河黑木頭川所在蓋藏豐富惟採掘堅守舊法遇水即廢水碾廠在波羅大石磕二石

磻響水胡石窰村黑河則新開溝等處均製木機軸輪開渠引水利用水力旋轉動盪甚速農事民生利賴良殷

五森林 地質寒燥植樹為艱而溝渠潤濕之處尚有榆柳楊桐繁茂叢生而連阡累陌蒼鬱干霄者則未之見也

六水利 河北一帶沙陵起伏溝渠縱橫水泉由沙滲出可分渠導溉故地力肥饒者種水田三垧即生活餘裕若波之大二石磻磚窰溝方家河海流兎河響水之胡石窰新開溝劉家溝大西溝懷之納令河石窰溝威之水地灣清之大理河等處水到成渠溉澆天然其資人力者蓋寡民國以來時倡興水利終以測量乏術鑿砌疏濬不準以致屢作屢輟近年楊橋畔雷龍灣把兔灣等地築壩鑿渠成田約達數百頃其修待未成者如天生橋岸大川溝口苦水溝口均屢經停頓若講求得法積股合資其成田正可未艾焉其在

大小理河圓水黑木頭川柿溝塩溝各川雖各就坡坵屢疊剝治無如方隅涓滴遇旱輒涸究屬無補民生此後能以科學實驗浚泉鑿井則沙磧薄田可立變肥饒故欲挽救貧瘠防旱禦荒須視敷布如何耳

七商務 邑境僻處山岳交通滯窒商業貿易不甚發達現有市集場所者歲以農戶運輸糧石為東西交易主要生活其暢旺時期以秋冬兩季最盛而經營商人則縣民晉人各居其半貿易品以麩穀豆類皮毛布疋煤炭油塩居大宗而銅鐵磁器麻棉紙張糖酒煙葉蔬菜瓜菓次之布疋百貨買自山西順德等地皮毛羊絨則由晉商洋行歲來收買穀類豆稻逕由農戶運銷榆米油炭供給南境磁酒多販賣靖定安定食塩概由花馬池運來棉花來自韓城三晉他如瓜菓菜蔬均隨地生產僅足自給邑人營商拙於操縱偶值金融緊張周轉立窘近年軍務繁興各立商會維持商務之大概情形也

橫山縣志

交通志

交通為國家社會生活之命脈文明愈進步往來愈頻繁故居今日而言政治交通其著也明清初縣屬驛站向歸榆林衛清由榆林延安城堡同知管轄為響水波羅懷遠劉家坵蘆溝黑河糖塘六站共設塘馬一百二十六匹歲支銀四千八百六十三兩雍正八年改歸知縣管理專司傳遞往來公文民國元年裁改郵便較前節省多矣

一郵政 民國元年設縣城響水石灣郵寄代辦所三波羅麒麟溝各設村鎮信櫃收寄公私包裹信件而縣城響水僅由榆至橫為榆林支線石灣鎮為綏德通西幹線由綏德寄往安邊均雇差丁送遞出發到達日有定程

二道路 幹線有五 一由縣治西經蘆溝楊胡台入靖邊界達寧夏再由縣城

橫山縣志

卷三

三十六

榆林 東順齋石印

東經波羅響水至榆林二由縣治西南經靖邊青陽岔沿大理河入縣轄冷窑子石灣鎮麒麟溝巡檢司出境東至綏德直通山西三由縣治東經波羅平夷堡計一百三十里達榆林四由縣城東南經響水堡三皇廟孫家園子至榆林屬之鎮川堡計二百四十里至米脂縣五由縣城西經威武堡再南至石灣鎮計二百三十里達安定縣境內道路概屬山岳沙地崎嶇不平而川源津渡又鮮橋梁蘆溝以西往往風沙障天行旅迷離故於沿途沙中栽列樹株以資識別

三水運 縣境無定河流挾沙平漫水量微淺不能浮舟而響水堡東三皇廟孫園子一帶河內尚可置船渡運行旅

四市集 縣屬各堡市鎮商務蕭條非同內地通商大埠其現存商場為縣城西關波羅堡響水西關石灣鎮武家坡石韓家岔殿集市五龍山次如古水

鎮油房頭麒麟溝李邱坪傅家坪冷窪子鎮等處寥落數家每月屆期集會各有日期商賈會畢即散一日中為市之遺也

橫山縣志

財政志

時有今昔法無常度社會既滄桑之異經濟即呈盈縮之象比者政治刷新建設方始舉國家事業需要端賴供給充裕而經濟始克調節此縣財政之所必志也且昔為封建田賦稅收悉歸君權所支配原無中央地方今則地方分權漸形完成政府就性質固定者留作國有別將流動部分畀與地方使國民自動的啟發社會事業以助長自治精神兩者用途雖殊而國利民福一道同歸橫山田賦昔以屯糧為大宗需供兵食而常年徵額各堡不一今由糧折銀再折而洋賦有常律徵權平允公私兩宜民交稱便矣

橫山縣志

卷三

三十七

榆林東順齋石印

一金融

銀幣 市面普通流行者係北洋造老袁頭墨西哥站人開國紀念四種近日西北銀行與山西省銀行紙幣間有用者

制錢 商民交易通常舊制錢居半數以習尚週行故輸出外境不易今漸減少

銅幣 市面流通為數較多近由山西新造銅幣輸入日增有十錢二十錢兩種

二田賦

地丁 每年額徵正銀洋壹千叁百伍拾肆元陸角伍分玖釐

一五耗羨銀洋貳百零叁元壹角玖分捌釐捌毫

一五平餘銀洋貳百零叁元壹角玖分捌釐捌毫

化公五分房費銀洋陸拾柒元柒角叁分貳釐玖毫

懷遠堡正襍共庫平銀貳百捌拾柒兩捌錢玖分伍釐陸毫以一五改徵銀洋肆百叁拾壹元捌角肆分叁釐肆毫

波羅堡正襍共庫平銀貳百壹拾陸兩伍錢零肆釐玖毫以一五改徵銀洋叁百貳拾肆元柒角伍分柒釐叁毫伍絲

響水堡正襍共庫平銀叁百零柒兩陸錢伍分伍釐伍毫伍絲以一五改徵銀洋肆百陸拾壹元肆角捌分叁釐叁毫貳絲伍忽

威武堡正襍共庫平銀貳百玖拾陸兩肆錢玖分柒釐以一五改徵銀洋肆百肆拾肆元柒角肆分伍釐伍毫

清平堡正襍共庫平銀壹百壹拾兩零陸錢肆分零陸毫以一五改徵銀洋壹百陸拾伍元玖角陸分零玖毫

屯糧 合計壹千伍百柒拾肆石叁斗叁升肆合柒勺每石改徵銀貳兩捌錢共應實徵庫平銀肆千肆百零捌兩壹錢叁分柒釐貳毫以一五改折共銀洋陸千陸百壹拾貳元貳角零伍釐捌毫

屯草 合計壹千玖百貳拾陸束叁觔捌兩捌錢柒分肆釐每束改折銀壹分共應實徵庫平銀壹拾玖兩貳錢陸分貳釐以一五改折共銀洋貳拾捌元捌角玖分叁釐

懷遠堡屯糧貳百貳拾壹石叁斗零零捌勺應改徵銀洋玖百貳拾玖元肆角陸分叁釐肆毫

屯草貳百捌拾捌束玖觔拾伍兩肆錢柒分應改徵銀洋肆元叁角叁分伍釐

波羅堡屯糧貳百陸拾柒石叁斗陸升捌合壹勺應改徵銀洋壹千壹

百貳拾貳元玖角肆分陸釐

屯草肆百零玖束壹拾叁觔拾壹兩壹分肆釐應改徵銀洋陸元壹角叁分柒釐

響水堡屯糧肆百伍拾壹石陸斗貳升肆合伍勺應改徵銀洋壹千捌百玖拾陸元捌角壹分伍釐陸絲

屯草伍百零壹束拾伍觔捌兩叁錢玖釐應改徵洋柒元伍角叁分
威武堡屯糧叁百陸拾捌石零叁升貳合叁勺應改徵銀洋壹千伍百肆拾伍元柒角叁分陸釐

屯草肆百貳拾陸束叁觔捌兩捌錢柒分肆釐應改徵銀洋陸元叁角玖分

清平堡屯糧貳百陸拾陸石零叁升陸合玖勺應改徵銀洋壹千壹百

壹拾柒元叁角伍分伍釐

屯草叁百零貳束壹觔陸兩柒錢陸分應改徵銀洋肆元伍角叁分

三稅收

契稅 奉派年額銀伍百兩儘收儘解

襍稅 奉派年額洋貳千零貳拾貳元分畜屠斗三項計畜稅陸百元屠宰

稅捌百元斗捐陸百貳拾貳元

印花稅 奉派年額票面洋壹千元實銷售伍百元譜除由縣署銷售粘契
外餘分派各堡鎮鄉商民按數黏貼

當稅 三等質當商兩處年徵當稅庫平銀捌拾兩以一五折收銀洋壹百貳拾元

牙稅 每年徵收皮毛牙帖稅洋貳拾捌元

四公債

民國三年分內國公債洋壹千元

民國四年分內國公債洋壹千伍百叁拾元

民國四年分二期內國公債加派洋捌百元

民國六年分陝西地方公債議秤銀叁千伍百兩

民國十六年有獎公債捌千玖百伍拾柒元貳角玖分陸釐

地方財政

財政局 年支地方款洋貳百肆拾元

公安局 年支煤畜斗屠商捐洋壹千貳百元

建設局 年奉撥雜稅一成銀洋壹百捌拾元

教育局 年奉撥雜稅四成銀洋柒百貳拾伍元

橫山縣志

卷三

四十

榆林 東順齋石印

一縣立第一高小校

原存書院膏火本銀壹千貳百元

新籌學校基金銀貳千壹百零肆兩

存書院膏火地變價本銀貳千兩 上三項發五堡商民行息

懷遠堡口外張家畔水田捌拾垧年徵租錢壹拾捌串

懷遠堡五里墩學田變價銀伍百兩

懷遠堡回回峁山田肆拾伍垧年納租米陸斗

二縣立第二高小校

原籌教育基金銀柒百柒拾肆兩肆錢

存平夷堡膏火地變價銀貳百伍拾兩 上二項發商民行息

響水新增百戶膏火地年納租銀伍兩

響水孫欽百戶膏火地年納租銀叁兩陸錢

響水公益斗捐銀洋叁百元

響水公益絨布捐銀洋貳拾元

地方公益雜捐銀洋壹百元

武鎮學務斗捐銀洋貳百肆拾元

三縣立第三高小校

原籌教育基金銀伍百兩 發商民行息

波羅公益斗捐銀洋陸拾元

波羅公益絨毛煤窯捐洋肆拾元

四縣立第四高小校

原籌教育基金銀貳百伍拾兩 發商民行息

清平公益絨毛捐銀洋伍拾元

清平公益屠捐洋叁拾元

清平公益斗捐銀洋叁百貳拾元

橫山縣志

政治志

一自治 縣地方自治沿革約分三期

甲前清末年朝議籌備憲政令各縣籌辦自治地方官僅懸縣議事會董事會招牌塞責敷衍無實可舉

乙民國二年一月奉令籌辦劃全縣為五區每區選出縣議員二人設縣議事會於縣城計議員十人中推年長者一人為議長就地方原有公共款項移充自治經費收廟田營地化為公用並設官產清理處三年冬間復令停辦

丙民國八年內務部頒縣自治法籌備進行由榆林道尹選送北京內務部地方自治模範講習所學員十年二月復由縣考送道立自治講習分所

橫山縣志

卷三

四十二

榆林 東順齋石印

學員四人次年縣設地方自治籌備處並部頒自治實施期限指定橫山為第三期成立縣分十二年三月選定縣議員十二人（依選舉法規定選民五萬人以上出議員十人調查結果選民實數七萬故選出名額如上數）縣參事員四人同時成立縣議會及縣參事會設縣議會於縣城玄武祠推定議長一人參事會會長由縣知事兼攝附設縣公署內規定議員參事年支旅膳費就原有行政區劃自治區域為五區凡提議事項由縣議會議決交由縣參事會執行每年常會以四七月為招集期所有經費悉由地方款擔任至十五年春復令停辦

丁民國二十年組織五區區公所選舉區長一人各置佐理員一承縣長指揮辦理區內地方行政事宜廢除各堡紳土木鐸鄉約名目同時並置鎮長鄉長處理村鎮自治事務監察員二人監督清查區內出納款項區丁

名額多寡一依區內事務繁簡決定之所有職責悉遵照部頒章程進行完成自治剔除積習民主自治的精神可望實現於憲政期內

二 警政團防

甲 警政沿革 縣警察創於清光緒三十三年由知縣兼攝警察公所初設縣城西關招警卒八人巡邏街市經費由商號按月捐助規模狹隘民國元年更名警察事務所擴充警士為十二名稍事訓練三年由高等巡警畢業學員接充招生購械移事務所於南門內設崗守衛經費除商會舖捐及煤稅外概由地方按月領給警額遇緊要時添至二十名

現況 民國十六年六月改為公安局移局於縣城大寺內警士為十二名局長由省民政廳委任月支薪洋二十元警士月餉為六元經費由財政局負擔平日常務偵巡外遇必要時得派往各堡及協助縣政府偵緝

司法事項各堡尚未增設

乙 團防沿革 清同治年獬匪反叛各堡市鎮同創公議局清平響水防匪得力承平廢止民國建元會匪到處煽動各堡同時倡辦民團造械招丁[□]桿禦地方秩序賴以寧謐設總局於縣城而清威響波四堡均組織民國[□]訂立簡章守望相助遇有匪警插翎傳訊尅期齊集統歸團總指揮一時卓著成績民二以後漸形解散五年南匪北竄設團練於威武之申家畔招募團丁二十餘人十年石灣鎮復募團丁十餘名同時波羅響水先後成團名額不等延至十六年遣散此經過之梗畧也

現況 往年地方安謐縣境各團停辦至十七年奉令五堡各設區甲局^保十八年復改為保衛團而團丁由八名至二十名槍械由榆林師部借領及臨時購置增減不一

三社會

勞工 橫山人民勞動業農者十居其九工人雖居其一大半農事完畢間操工藝者多

養老 向無特設局所父兄長老年事衰弱各由家人子弟尊事優養不使負擔道路飢寒失所

殘廢 無特別收養處遇有殘廢者由家屬親族設法養育

育幼 各由父兄負責教育鮮有弃養者地方亦無幼稚園之設近來兒童至七八歲率令人學其家貧無親可依者各歸近支家人教養成立

濟貧 邑內習尚勤勞地方隋民無多每年終由縣政府酌散孤貧錢糧多寡就年歲恤給

救災 縣境救災五堡舊有義倉各捐富貯穀二千石每歲春前酌量借給

橫山縣志

卷三

四十四

榆林東順齋石印

人民耕種秋後加二成償還仍貯原倉遇荒旱歲請准放散豐年復如數捐貯民國成立撤廢近年旱災屢現由地方官紳臨時設救災會設法勸捐並向外呼籲賑濟

醫院 縣內向來無官設醫院人民有病恒自延醫診視遇外科大症多赴榆入陸軍醫院就醫或延西醫療治

青苗 縣境歲值秋稔由農戶聯合村莊訂立合同宰蓄插血共同嚴禁盜賊損害禾稼名喫割禾違者公議罰處

保甲 各堡臨時招丁稽查匪盜彈壓地方將來漸次推及鄉村實行編查清理村治

四賦役百戶

懷遠堡

李潮百戶 唐旗 李旗 李旗 吳旗 吳旗 劉旗 劉旗 杜旗 杜旗 尚旗 尚旗 南班

增糧百戶 上八股 下八股 糜糧百戶

波羅堡

柳奇百戶 劉九思百戶 上旗 中旗 下旗 增糧百戶 兵糜糧百戶

民糜糧百戶 養廉百戶

響水堡

孫隆百戶 王璽百戶 王一林百戶 戴洪百戶 黃臣百戶

陳正百戶 高銳百戶 馬昂百戶 孫欽百戶 張炳百戶

增糧百戶 糜糧百戶 新懇百戶 養廉百戶

威武堡

趙世相百戶 宋安百戶 馮宣百戶 白堂百戶 新增百戶

橫山縣志

卷三

四十五

榆林 東順齋石印

糜糧百戶

清平堡

翟賢百戶 榆林衛百戶 延安衛百戶 界北百戶 更來翟賢百戶

糜糧百戶 湯全百戶

附錄

全縣自治區域

有清民間公務向由五堡各設木鐸鄉約地方總甲牌頭多名辦理地方公益差徭事宜歲由紳民推舉公正者值差民國二年劃分全境為五區仍依地方習慣處理民間荒旱賑濟軍支差徭稽查息訟各事每遴派得人則閭閻利賴反是則支節紛擾轉為民病矣臨政蒞民者得毋勤慎厥事乎

第一區 懷遠堡

堡塘 東塘 南塘

第二區 波羅堡

堡塘 上路 中路 下路

第三區 響水堡

橫山縣志

卷三

四十六

榆林東順齋石印

鹽溝塘 清邊寨塘 大沙坪塘 高石頭塘 沙瓜塘

第四區 威武堡

上三塘 堡塘 東塘 西塘 中三塘 趙上塘 趙下塘 白塘

下三塘 宋安塘 馮東塘 馮西塘

第五區 清平堡

上三百戶 湯全金 翟賢 延安衛 下三百戶 榆林衛 糜糧 界北

